

cognoissance de Dieu : Auroit (pour en auoir plus ample cognoissance) iceux pays fait descouurir par aucuns bons pilotes & gens à ce cognoissans. Ce qu'ayant reconnu veritable , il auroit , poussé d'vn zele & affection de l'exaltation du nom Chrestien, des le quinzième Ianuier mil cinq cens quarante , donné pouuoir à Iean François de la Rocque , sieur de Roberval, pour la conqueste desdits pays. Ce que n'ayant esté executé deslors, pour les grandes affaires qui seroyēt suruenues à ceste Couronne; Nous auōs resolu pour perfection d'vn si bel œuure & de si sainte & louïable entreprise , au lieu dudit feu sieur de Rober-val, De donner la charge de ceste conqueste à quelque vaillant et experimenté personnage, dont la fidelité & affection à nostre seruïce nous soit cogneue, avec les mesmes pouuoirs, autoritez, prerogatiues, & preeminences qui estoient accordées audit feu sieur de Rober-val par lesdites lettres patentes dudit feu Roy François premier.

SCA VOIR FAISONS, que pour la bonne & entiere confiance que nous auons de la personne de nostre amé